



# COMUNE DE PÀDRIA

## DELIBERATZIONE DE SU CONSÌGIU COMUNALE N. 15 DE SU 01/07/2022

OGETU: APOSENTAMENTU DE SU CONSÌGIU COMUNALE. GIURAMENTU DE SU SÌNDIGU

S'annu duamìgia e bintiduos sa die unu de su mese de Trìulas a sas 19.20, AULA CONSILIARE, a pustis de avisu de cunvocatzione regulare, chi cuntenet puru s'elencu de sas cosas de trattare, notificadu a sos Consigeris in càrriga de su Comune, publicadu a s'albu pretòriu de su Comune matessi in sos tèrmines de lege, s'est reunidu in sessione ordinària pùblica in prima cunvocatzione, su Consìgiu Comunale, de su cale a s'apellu resurtant:

<b>SAMBENADU E NÙMENE</b>	<b>PRESENTE</b>
DUT.RE MURA ALESSANDRO	EMMO
MARICA MATTEO SALVATORE	EMMO
DETTORI GIUSEPPA ANGELA	EMMO
CONTU DANILO	EMMO
PIRAS ANGELO	EMMO
DOMINICI SANTO	EMMO
MANCA ALESSANDRA	EMMO
SERRA ANTONIO	EMMO
MASCIA ANGELA RITA	EMMO

Presentes n° 9 Ausentes n° 0

Partètzipat su SEGRETÀRIU COMUNALE DUT. PULEDDA ANTONINO, chi providit a redatzionare custu verbale.

Essende legale su nùmeru de sos interbènnidos, su SÌNDIGU DUT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro trattare de s'ogetu giutu torra in subra.

## SU CONSÌGIU COMUNALE

ÀPIDU RIGUARDU a s'argomentu de su cale a su puntu 2 de s'òrdine de sos traballos de sa setziada de oe;

AMMENTADA sa deliberatzione pròpia pretzedente n. 14 in data de oe, cun sa cale, in relata a su dispostu de s'art. de su D.Lgs. n. 267/2000 e mm.ii.ii, custu Ente at provididu a convalidare sos eletos a sas càrrigas de Sìndigu e de Consigieri Comunale de Pàdria posca de sa votatzione de sa die 12/06/2022 comente resurtat dae su verbale de proclamatzione de sos resurtados eletorales;

PRETZISADU chi su matessi verbale n. 14/2022 giai mentovadu atestat sa convàlida a sa càrriga de Sìndigu, a s'èsitu de su giai ammentadu turnu elettorale, de su Dut.re Alessandro Mura;

CONSIDERADU chi s'art. 50, comma 11, de su mentovadu D.Lgs. n. 267/2000 e mm.ii.ii., narat a manera testuale: *«Su Sìndigu e su presidente de sa provìntzia faghent a dae in antis de su consìgiu, in sa setziada de aposentamentu, su giuramentu de osservare a manera leale sa costituzione italiana.»*,

RECRAMADA a reguardu sa tzircolare de su Ministèriu de s'Internu Direzione Tzentrale de sas Autonòmias in data 30 de làmpadas de su 1999, n. 3, in ue est giutu torra cantu sighit:

*«Giuramentu de su sìndigu.*

*A custu Ministèriu sunt postas dimandas medas in òrdine a s'acumprida de sas funtziones de ufiziale de governu pro sos sìndigos eletos dae pagu in custas ùrtimas votatziones. Dae un'esàminu prus fungudu, respetu a cussu fatu in occasione de s'intrada in vigèntzia de sa lege 15 de maju de su 1997, n. 127, e fatu connòschere cun sa tzirculare n. 9/97 de su 31 de maju de su 1997, diat pàrrere prus cunforme a s'ispiritu de sa normativa mentovada in subra cunsiderare chi sos sìndigos eletos dae pagu leent, posca de sa proclamatzione, totu sas funtziones, inclusas cussas de ufiziale de governu. Comente est nòdidu, difatis, giai sa lege n.81 de su 1993 subra de s'elezione dereta de su sìndigu e de su presidente de sa provìntzia aiat prevididu chi su sìndigu, giai dae su momentu de sa proclamatzione sua deviat protzèdere a sa nòmina de sa giunta comintzende, duncas a acumprire a funtzione de importu in s'àmbitu de s'amministratzione comunale. Sa lege n. 127 de su 1997 at posca mudadu sa disciplina de su giuramentu providende chi su matessi si fatzat a dae in antis de su Consìgiu, e non prus in presèntzia de su prefetu cunforma a sa règula apostivigada dae su T.U.*

*n. 3 de su 10 de ghennàrgiu de su 1957. Duncas non b'at prus resone de cullegare a su giuramentu s'assunzione de sa càrriga, gasi comente rechestu dae sa normativa chi bi fiat in antis. Non b'est prus duncas cussu cullegamentu chi bi fiat in antis tra s'assunzione dae parte de su sìndigu de sas funtziones de ufiziale de Governu e su giuramentu fatu a dae in antis de su Prefetu, chi rapresentat su Governu. Su giuramentu de su sìndigu – giai in su poderiu e funtziones suas – a dae in antis a su Consìgiu comunale cheret leadu a cunsideru comente acumprida bàndida, chi individuau in su respetu de sa Costituzione s'elementu fondamentale de s'atzione de s'òrganu de punta de s'amministratzione. Non podet cunditionare s'esertzìtiu de sas funtziones chi pertocant a sa càrriga, chi podent èssere totu acumpridas a manera legìtima finas dae sa data de sa proclamatzione.»*

RAPPRESENTADU, duncas, chi su Sìndigu eletu devet fàghere su giuramentu mentovadu in antis cunforma a sa normativa in vigèntzia;

DADU ATU chi su Sìndigu de Pàdria, Dut.re Alessando Mura, cunforma a cantu premitidu, pesadu a sa rea e cun sa fàscia de tres colores, chi giughet s'istemma de su Comune de Pàdria, at naradu a manera bàndida a dae in antis de sos Senn. Consigieris Comunales issos puru a sa rea, a su Segretàriu Comunale e sa popolazione presente, cun boghe crara e chi si cumprendiat bene sa

fòrmula chi sighit:

**«GIURO DE OSSERVARE A MANERA LEALE SA COSTITUTZIONE ITALIANA, SAS  
LEGES DE SA REPÙBLICA E S'ORDINAMENTU DE SU COMUNE DE PÀDRIA «**

ISPETZIFICADU chi, congruida sa letura de sa fòrmula de giuramentu indicada su Senn. Sìndigu at lèghidu su discursu de su cale a s'allegadu A a custa deliberatzione;

SIGNALADU chi custa deliberatzione leat s'expressada solu de unu reconnoschimentu de su giuramentu fatu, cunforma a sa lege, dae su Senn. Sìndigu e duncas:

- No at bisòngiu de s'expressada de sos parres cunforma a s'art. 49, comma 1 de su D. Lgs. 267/2000 e mm.ii. e ii.;
- Nen de peruna votatzione dae parte de su Consìgiu Comunale;

RIFERIDU chi subra de sa matessi deliberatzione est istadu semper e cando fatu, cun èsitu a favore, su controllu in su matessi momentu de regularidade amministrativa a incuru de su Segretàriu comunale, a s'èsitu de su coordinamentu de su testu cuncordadu cun sos Responsàbiles de sos Servìtzios interessados;

in base a cantu premìtidu

**SU CONSÌGIU COMUNALE**

RECONNOSCHET de àere assistidu in data 01.07.2022 a su giuramentu bàndidu dae parte de su Senn. Sìndigu de Pàdria, dut.re Alessandro Mura, in sas formas descritas a su comintzu de custu atu.

SU SÌNDIGU DUT. MURA ALESSANDRO

Su SEGRETÀRIU COMUNALE DUT.  
PULEDDA ANTONINO

**NOTA DE PUBLICATZIONE N. 487**

Cunforma a s'art. 124 de su T.U. 267/2000 su Responsàbile de sa Publicatzione **SEGRETÀRIU COMUNALE DUT.PULEDDA ANTONINO** atestat chi in data 04/07/2022 s'est publicadu in s'Albu Pretòriu.

Sa Delibera est esecutiva cunforma a sas dispositziones de lege in vigèntzia.